



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: UP-1/21-2-40-572-3/22
Datum: 07.12.2022. godine

«Agencija za vodno područje rijeke Save» Sarajevo, rješavajući po zahtjevu pravnog lica JKP „KOSTAJNICA” d.o.o. Kreševo, za izdavanje vodne saglasnosti za ispuštanja tehnoloških otpadnih voda sa lokacije objekta samouslužne autopraonice koja se planira graditi u krugu JKP „Kostajnica” u Kreševu, na osnovu člana 121. stav 3. Zakona o vodama («Službene novine Federacije BiH, broj 70/06) i člana 218. Zakona o upravnom postupku («Službene novine Federacije BiH», broj 2/98, 48/99 i 61/22), d o n o s i

ZAKLJUČAK

Odbacuje se zahtjev podnesen od strane pravnog lica JKP „KOSTAJNICA” d.o.o. Kreševo, za izdavanje vodne saglasnosti za ispuštanja tehnoloških otpadnih voda sa lokacije objekta samouslužne autopraonice koja se planira graditi u krugu JKP „KOSTAJNICA” u Kreševu, na zemljištu označenom kao k.č. broj: 137/1 K.O. Kreševo, zbog nepotpunosti dokumentacije te se smatra da zahtjev nije ni podnesen.

Obrazloženje

Pravno lice JKP „KOSTAJNICA” d.o.o. Kreševo se pismenim putem obratio ovoj Agenciji sa zahtjevom za donošenje rješenja o vodnoj saglasnosti za ispuštanja tehnoloških otpadnih voda sa lokacije objekta samouslužne autopraonice koja se planira graditi u krugu JKP „Kostajnica” u Kreševu, na zemljištu označenom kao k.č. broj: 137/1 K.O. Kreševo, općina Kreševo.

U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

- Popunjen obrazac zahtjeva za izdavanje vodne saglasnosti,
- Ovjereni kopiji rješenja o upisu u sudski registar broj: 051-0-RegZ-22-000037 od 24.01.2022. godine izdato od strane Općinski sud u Travniku,
- Kopija Rješenja o urbanističkoj saglasnosti donesenog od strane Službe za civilnu zaštitu, urbanizam, imovinsko-pravne poslove i katastar nekretnina Općine Kreševo, broj: 0626-11/2022-26 od 05.04.2022. godina,
- Kopija Rješenja o okolišnoj dozvoli donesenog od strane Službe za civilnu zaštitu, urbanizam, imovinsko-pravne poslove i katastar nekretnina Općine Kreševo, broj: 06-19-117/21 od 12.10.2021. godina,
- Glavni projekat samouslužne autopraonice urađen od strane „PERKON ENERGIJA” d.o.o. Kiseljak, mart 2022 godine,
- Dokaz o uplaćenju upravnoj pristojbi.

Uvidom u dostavljenu dokumentaciju uz zahtjev utvrđeno je da zahtjev nije podnesen u skladu sa odredbama Zakona o vodama («Službene novine Federacije BiH», broj 70/06) i Pravilnikom o sadržaju, obliku, uvjetima, načinu izdavanja i čuvanja vodnih akata („Sl. novine FBiH” broj: 31/15, 55/19, 41/20 i 63/22) te da uz zahtjev nije dostavljena dokumentacija potrebna za odlučivanje.

U skladu sa utvrđenim činjeničnim stanjem, Stranka je dopisom, broj: UP-1/21-2-40-572-2/22 od 24.10.2022. godine, pozvana da izvrši dopunu podneska sa neophodnom dokumentacijom i to:

- Projektna dokumentacija za predmetni objekat (glavni projekat)

Projektna dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (Lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH”, broj 17/08 i 38/12).

Obzirom da stranka, u ostavljenom roku, odnosno do dana izdavanja ovog Zaključka, nije izvršila dopunu podneska u skladu sa dopisom broj: UP-1/21-2-40-572-2/22 od 24.10.2022. godine, saglasno članu 121. stav 3. Zakona o vodama i 218. Zakona o upravnom postupku riješeno je kao u dispozitivu zaključka.

Pouka o pravnom lijeku

Protiv ovog Zaključka može se izjaviti posebna žalba Federalnom ministarstvu poljoprivrede, vodoprivrede i šumarstva – Sarajevo, u roku od 15 dana od dana prijema ovog Zaključka.


Žalba se podnosi neposredno pismeno, usmeno na zapisnik ili preporučeno putem pošte ovoj Agenciji i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

Prilog:

- Glavni projekat samouslužne autopraonice urađen od strane „PERKON ENERGIJA” d.o.o. Kiseljak, mart 2022 godine.

**Po ovlaštenju
Rukovodilac sektora za izdavanje vodnih akata**



Haris Ališehović, dipl.ing.građ.

Dostaviti:

- JKP „Kostajnica” d.o.o. Kreševo, ul. Fra. Grge Martića br. 143, 71260 Kreševo (sa prilogom)
- AVP Sava ISV-Vodna knjiga,
Sektor 40-arhiva
- Oglasna Tabla AVP Sava Sarajevo